



Inâkonigewin 2005 Kâwin Sagaswâniwanzinôn Ontario-ng Inâkonigewin Ke-dôdâgemagak: Anishinâbeg Inakâg

Netamisingin

- Inâkonigewin Kâ'n Sagaswâniwanzinôn Ontario-ng kada-mashkawazîchigâde 31, Wâbigon Kîzis 2006.
- Inâkonigewin inazinâde kibahigâdeg sagaswewin ondemitâwigamigokâg ashidj ked-iji-mânenâniwang Ontario-ng. Mî iye kidji-wîdokawenimindwâ ega segaswâdjig chega opanâdamowâdj kodag âwiyeg obatem.

Kâsîbîgahigâde — Anishinâbeg

Misawâdj kâsîbîgahigâdeg sagaswewin ondemitâwigamigokâg konima kaye endaji-mânenâniwang Anishinâbe kâwin kada-gibâmawâsî ândîdog igodj pîndig kidji-âbadjiyâdj nasemân kîshpin obimâdjyowin konima kaye odibahigewin inakâg inâbadjiyâdj.

Ândîdog igodj ked-inahigadigwen âkoziwigamig, misawâdj igodj ikiwenzîwogamigông konima kaye âkoziwogamigông eyâkozidjig oshtigwâniwan, kada-ijinâgodini shenimâganiwidj eyâkozidj Ânishinâbe kidji-âbadjiyâdj onasemâman pîndig kîshpin obimâdjyowin konima kaye odibahigewin inakâg inâbadjiyâdj.

Nâgânigâbawidjig Odibisatwâniwa

- Anishinâbe eyâkozidj kada-gagwedwe, âwiyeg tash enabidj pakesâyân kidji-gijigâbandang ogad-eshôwisidôn abinâs ondje inen Anishinâben kidji-âbadjiyânidj onasemâminan.
- Iyo abinâs mâmakâdj tibân ke-wî-atég tash kaye kodag segaswe-abinâs enâbadak.

Mashkawizîchigâdeg

Kichi-ogimâ onisidawinân ashidj ogikâdjitôn pikinông kada-iji-odâpinigâde inâkonigewin Anishinâbe-dinakîwining.

Kichi-ogimâ kî-ojigîjwe wîn inabidj kaye kidji-iji-ondamitâdj nâjinang kidji-nônd- opanândjigâdeg kodag âwiyeg obatem Anishinâbe-dinakîwinikâng ashidj kidji-wîdamâgedj ozâm ishpâ sagaswewin onôn tinakîwinan. Wîyagi-gikinâmâdiwigamigôn tash ogad-âbadjitôn, pônitâchigewinan, ashidj wîyagi-ijichigewinan kidji-bônitâdj âwiyeg.

Ked-ayindidj

Kîshpin âwiyeg ega nôsineyanzig inâkonigewin kîjîkâzowin ogad-ayân. Ândog ked-inahigadigwen kâ-mânedjig pejig ondamtâwigamig, kîshpin ega nôsinehigâdeg inâkonigewin kaye 'indaje kîjîkâzowin kada-dagwan.

Awaso tibâdjimozinahigan tidâtibî-nandwânîkewin eta kada-inâbadad. Kîspin kîyâbadj wî-nanda-gikenindjigen, enâbigis kanôj mino-bimâdiziwin kejjigâbandangik.

Konima kaye 'ondaje madwesidjiganing kidâ-ondinân wî-nanda-gikenindaman kego:

- **INFOLINE** 1-866-396-1760
- **TTY** 1-800-387-5559

Taso-dibahiganeg ke-jesing: Metisonî-gîjjigak ako Chîbayâtigo-gîjjigak, 8:30 kigijeb ako 5:00 onâgoshig.

Kîshpin kîyâbadj wî-nanda-gikenindaman Inâkonigewin Kâwin Sagaswâniwanzinôn Ontario-ng, enâbigis andonan Ontario of Health Promotion mizimizide-nanda-gikenindjigewining:

www.mhp.gov.on.ca/english/health/smoke_free/legislation.asp.

Wâbigon Kîzis 2006